

مدرسة الأزواج

محمد عثمان جلال



مدرسة الأزواج

تأليف
محمد عثمان جلال



الناشر مؤسسة هنداوي

المشهرة برقم ١٠٥٨٥٩٧٠ بتاريخ ٢٦ / ١ / ٢٠١٧

يورك هاوس، شبيث ستريت، وندسور، SL4 1DD، المملكة المتحدة

تليفون: ١٧٥٣ ٨٣٢٥٢٢ (٠) ٤٤ +

البريد الإلكتروني: hindawi@hindawi.org

الموقع الإلكتروني: <https://www.hindawi.org>

إن مؤسسة هنداوي غير مسئولة عن آراء المؤلف وأفكاره، وإنما يعبر الكتاب عن آراء مؤلفه.

تصميم الغلاف: ليلي يسري

الترقيم الدولي: ٦ ٢٦٣١ ٥٢٧٣ ١ ٩٧٨

صدر هذا الكتاب عام ١٨٩٣.

صدرت هذه النسخة عن مؤسسة هنداوي عام ٢٠٢٢.

جميع حقوق النشر الخاصة بتصميم هذا الكتاب وتصميم الغلاف مُرخصة بموجب رخصة المشاع الإبداعي: نَسْبُ المَصْنَف، الإصدار ٤.٠. جميع حقوق النشر الخاصة بنص العمل الأصلي خاضعة للملكية العامة.

المحتويات

٩	رجال التشخيص
١١	القطعة الأولى
٢٥	القطعة الثانية
٤٧	القطعة الثالثة

مدرسة الأزواج وهي ثلاثة قطع.

إن تكن المرأة ذات خَفَّة	ولم تكن أصيلة في العَفَّة
فحبسها أو حجزها لا ينفعُ	لأنها من كل باب تطلعُ

رجال التشخيص

أمين وأدهم: أخوين.

ظريفة وبدور: أختين.

حسنه: خدامة بدور.

نصير: عاشق ظريفة.

إبراهيم: خادم نصير.

واحد: معاون.

واحد: مأذون.

القطعة الأولى

المنظر الأول

(أمين وأدهم)

أمين:

يکفا کلام في کلّ ساعة يا جدع	کتر الکلام مع النزاع ما له نفع
أعيش على کيفي ولا اختص بک	وانت کمانی عيش زي ما يعجبک
ولو تكون في العمر أكبر برضنه	الاتنين بعون الله نعرف بعضنه
واکتر کلامک بوش أنا ما أسمعنه	والرأي لو تعطيه صائب ما اتبعه
وفّر على روحک کلامک بعد ده	أنا کثير مرتاح من العيشة کده

أدهم:

الناس کثير على دي المعيشة ينبطم

أمين:

بس المجانين اللي زيک يسخطم

أدهم:

وصّل جميلک والسفه ما هو مليح أنا کفّرتُ اللي بقول لك علصحيح؟!

أمين:

وغلُبت تحكي لي وانا ساكت كده
على شان انا لآخر أموزه واعرفه

حيث إنها وُصِلت معاك للحد ده
قل لي بقا عللي سمعته واوصفه

أدهم:

مع الحماقه والنفور اللي اشتهر
حتى الهدوم اللي عليك طلعت شضل

أهو جمود الطبع اللي فيك ظهر
خليت جميع الناس تضرب بك المثل

أمين:

وكل ساعة باللونضة اغتسل
وكل ساعة أشتري من كرتلون
ورباط للرقبة وزيك انخنق
واسبسب الشوشة وابيّن قُصّتي
واشرب سجارة من ورق وارمي الشبك
واقعد على القهوة وأشرب مستكة
وفي سرير أنعس وابطّل فرشتي
إياك ابقا زيكم واحد لطيف

بدك أوافقكم وللموضة امتثل
والبس قميص مكوي وجتت بنطلون
وأقلد اصحابك بسترة وانزلق
واقنعر الطربوش واغطيّ جبهتي
واشك لي استيك ولو انه شكك
وابطلّ المركوب وألبس لستكة
واستعمل البُدرة وأحلق لحيتي
ان كان بدولي أعجبك دا شيء خفيف

أدهم:

من خوف لا ينقد عليك منهم أحد
أيوا المخالفة والمفارقة بس ليه
لا تكون واصل قبلهم ولا بعدهم
وبدال لبس القطن تلبس لك حرير
مش كل ده معدود من رأي الصواب
بدك تخالف لجل ما يقولوا: فلان

القصد تبقا زي غيرك في البلد
وتوافق العالم على ما هم عليه
إن بدّلوا الموضة تبدّل زيّهم
ولا تدقق زي بعض الناس كتير
وتحطلك كفة وجبرة في الدّلاب
بس انت زي الناس اعمل حيث كان

أمين:

واسمك كبير عني وتحكي بالحديث
تفضل لإمتا يا أخي تننفع كده
الشيب على راسك ولسا ما دريت
حشم شوية حيث بلغت العمر ده

أدهم:

هوّا كمان دا ذنب تنك تمسكه
وكل ما تشوفني مصلح أو نضيف
تقعد تعزرنني وتلزميني السكوت
ولّا يدان لابس هدوم موسخة
وكل من شابت دماغه تهتكه
أو بس لابس طقم أو طربوش لطيف
هو كل شايب عندكم لازم يموت؟!
ومن العماص تصبح عيونه منفخة

أمين:

من حيث كان أنا هدومي كلها
ما دام طربوشي على راسي فسح
وجبتي من جوخ صايه للدفة
اللي اعجبه يسكت واللي ما اعجبه
جيا على قدي وانا مبسوط بها
وكل ما يقدم أهو بينمسح
ونعل مركوبي شبيه القلحفة
يغمض العينين لما أمر به

المنظر الثاني

(بدور وظريفة وحسنة، ويكون أدهم وأمين واقفين بعيد عن الناس في آخر
التياتر، ويتحدثوا مع بعض بشويش.)

بدور (لظريفة):

ما لك كده يختي صبح حالك عدم؟!

حسنة (لظريفة):

من حبستك في البيت صبح ما فيكي دم

ظريفة:

أهو كده طبعه

بدور:

... .. وليه يعمل كده؟!

حسنة (لبدور):

والله يا ستي إن بختك جا عدل لكن أخوه طبعه جميل مش زيّ ده
اللي ما جا في وقعتك راجل رذل

بدور:

على الخصوص اليوم مَعَرَف اش دعاه لا سكّ لي ضبّة ولا خدني معاه

حسنة:

يسك بينك ليه سگه كبتين

أمين (وهو ماشي يقابل بدور):

ما لك كده يا بنت رايحة بس فين

بدور:

راح آخذ أختي لجل نتفسّح سوا لآبو السعود الجارحي نشمّ الهوا

أمين:

روحي انتي وحدك زي ما يكون يعجبك

(ويشاور على حسنة الخدمة).

وادي كمان واحدة معاكي تصحبك

(ويقول لظريفة):

أما انتي أوعي بس ملباب تطلعي وإذا أردتي تخرجي يكون معي

أدهم:

وليه كده مش يخرجوا يتفسّحم طبع الشباب يجروا سوا ويرحم

أمين:

كل الشباب اللي كده دول مجنين لا بالشمال تأمن لهم ولا باليمين

أدهم:

طيّب، على الفسحة تروح مع أختها

أمين:

تخرج معايا بس إن كان بدّها

أدهم:

دا مش كلام

أمين:

واللي بيلبس توب أهو بينضّفه شغلي أنا وأعرفه

أدهم:

وخروجها مع أختها مين عيّيه؟!

أمين:

أهو كل واحد يعمل اللي يعجبه دول مش يتاما وأبوهم قال لنا هم في وصيّتكم وعلّقهم بنا

تجوزوهم أو تشوفوا شغلکم
وانا کمان زيک معايا أختها
وأنا أدبر في أمور اللي معي

وقال تربوهم وإذا كبروا لكم
وانت معك واحدة أهى اتكفل بها
دبر أمور اللي معك يا ألمعي

أدهم:

لكن بشوف

أمين:

بصوت عالي أنصحك وادبرك
وتجيب لها واحد أغا واسمه كريم
ويفوت عليها اليوم وهي ما تشوف نوم
وانت على قلبك أهو أحلى ملعل
بدِّي مراتي تنهأ قاعدة هنا
ديمًا لحاجة بيتها مرتبة
ولأ تخيط في يلك كمه طویل
لوحتها تخرج وتمشي في الخلا
أنا مليشي قلب يحمل كل ده
وتجد في راسي من الغفلة قرون
وبالكتاب لا شك تطلع حُرمتي
ما دمت عند الناس بقيت مسئول بها

... .. وانا بشوف وخبرك
اننا تريد تمشي على رأي الحريم
وتجيب لها كيخا وتخرج كل يوم
وتقول حرية وتفضل في الكسل
تعرف خلاصك يا أخي لكن أنا
تفضل أميرة عاقلة ومأدبة
تقعد تنقي قمح وتطبق غسيل
لا تستمع قالوا وقلنا لا ولا
أحسن كمان يحصل كده ولأ كده
وتكون سبب لي في الزعل أو الجنون
حيث إنها هيًا بقت في زمّتي
واجب عليًا اني أراقب ربها

ظريفة:

واش أحوجك لده وده؟!

أمين:

أوعي تقولي بم أو تنفّسي!

... .. هس اخرسي!

بدور:

وتخاف على أختي إذا خرجت معي؟!

أمين:

معلوم أخاف، يالله لوحدك اطلعي
تخرج معاكي ازاي ويبقا لها أمان؟!

أنا لكم غُلبت ساكت من زمان

بدور:

الناس عندك كلها تطلع حمير
هيا تشوف بختي وانا اشوف بختها
والفكر يلجيهها معك لحد فين
في قلبها ربّت كراهة من زمان

لازم أنا أحكي على اللي في الضمير
البنّت هي أختي وانا لُخرا أختها
معرفش هي ناظرة بأي عين
لكن بأفعالك وعدم الائتمان

حسنة:

إن كان عليها ذنب أهياً اتأدّبت
وإذا ائتمنته يوم يفضل مؤتمن
دول زي ما قالوا حجارة مجبّسة
وان كان راجلها بطل تستغفله
ألفين فارس ما يسدّوا في نفر
من يأمن النسوان تنّه في طمان
حتى يقضّي العُمر في عيشة هباب
وادين بقولك عن حقيقة جنسهم
تبقى كأنك علردي نبّهتها

والحبس دا كان ليه؟ هيّا أذنبت؟
دا جنسنا رد البدع ويّا الدمن
هو الاحتراس يا عم ينفع للنّسه
وان كان للواحدة غرض تحصّله
ما يغركوشي يا رجال كتر الغفر
ما حد في الدنيا نفع غير الأمان
وان حد خوّنهم يتنّه في عذاب
ما يحفظ النسوان إلّا نفسهم
تتنّبّه الواحدة إذا منعتها

أمين:

سبحان من يعلم حقيقة نيّتك

مسكين يا أدهم ودي تربيتك

أدهم:

لا الحبس ينفعهم ولا كُتر العذاب
الحبس والتضييق عليها مسخرة

والله كلامها يا أخي عين الصّواب
وانّ كان هيّا بنت أو كانت مرّة

واش يعمل التحكير في القلب الحرون؟!
أطلق سراح الجسم بَرًا واتركه
ترجع ترفرف لك إذا ما فُتَّها

دا العرض من نفسه إلى نفسه يصون
ما دام يميل لك قلبها وتملكه
زي الحمامة اللي تكون ولَّفتها

أمين:

دا مش كلام

أدهم:

دا الضحك يلزمنّا نعلّم به الشباب
وطبيعة العصفور تنفر ملهجوم
نقدر نجيب إيده ورجله في القفص
في أغلب الأوقات أوافقها وادور
وتروح تتفسّح إذا كان بدّها
تروح وتمشي وحدها مع الأمان
ليه بس بالتحكير أقصّر عمرها؟!
لا يوم يتعوّض ولا يرجع لنا

... .. كلام وأعمل به كتاب
باللطف نورّي له الغلط عند اللزوم
لكنّ بالحيلة اللطيفة والفُرص
من حي ما بحتال على ستي بدور!
وان كان هواها جا أسيبها وحدها
وفي الدمرداش والحسين تقدر كمان
وحيث أبوها كان أوصاني بها
ما دامت الأيام تفوت من عمرنا

أمين:

برّيه من طبعك!

أدهم:

عاوز أقول لك إيه كمانى بعد ده؟!
زي الصغار لموت أبوهم يفرح

... .. أهو طبعي كده
دي أغلب النسوان إذا ما اتبحبحم

أمين:

يا تصلحه بالاعتیاد یا تفسد
يفضل مصمّم علفساد وهو كبير

لكنّ ابنك دا على ما تعوّده
وإذا فسد طبعه وهو لِسًا صغير

أدهم:

هيا بدور مش ست حُرّه برضها والا كمان رايح تخوض في عرضها؟!

أمين:

لكن إذا كبرت وصارت حرمتك وصَبَّحت زي النسا في عصمتك
تفضل تحب السرمحة زي الرجال ومنين تَغَيَّر طبعها يا ابن الحلال؟!

(ويلتفت لظريفة):

قومي ادخلي جواً وعن دول ابعدني أحسن كمان يا الله السلامة تنعدي

المنظر الثالث

(أدهم وأمين وبدور وحسنة)

أدهم:

أما أنا راضي بعيشتي مع بدور

أمين:

برض الحجر يلتط طول ما هو يدور

أدهم (وهو يضحك):

دا شيء مقدّر عالجبين وينكتب ما حد يعرف هو لمين بينتسب
أما انت منسوب لك هنا كل السبب بالحبس والتكدير لها مع التعب

أمين:

اضحك على نفسك وانت اختيار أهو تقضي عيشتك زي الحمار

بدور:

ما دمت أنا زوجة أخوك لاشرفه واحفظ عليه توب الشرف وانصفه
وان كنت أنا زوجتك لرَبِّي لك قرون واعمل على عندك واللي يكون يكون

حسنة:

دحنا نآمن كل من يأمن لنه أما اللي زيَّك بشَّره بالخائنة

أمين:

لَمِّي لسانك سيف ماضي يقطعه وسيخ حديد في نِزِّ عينك يقلعه

أدهم:

انتا اللي جايب دا لنفسك بالصحيح قالوا القبيح ما يجيب لنفسه إلا القبيح

المنظر الرابع

أمين (لوحده):

راجل قليل العقل مشنب ملتحي والشيب ملا راسه وهو ما يستحي
لكن كلامي فيه خسارة والنبي اتعبت روعي بس في فهمه الغبي
لاحرم ظريفة تبص يوم في خلقته أحسن يضيع منها اللي مني كسبته

المنظر الخامس

(أمين لوحده يقف في آخر التياتر، وإبراهيم ونصير أمام الناس.)

نصير (لخدَّامه إبراهيم):

أهو بعينه الراجل الندل اللئيم اللي منع عني ظريفة يا ابراهيم

أمين (يظن أنه لوحده):

الناس تلفت كلها في الزمن ما حد منهم بس عندي مؤتمن

نصير:

لما أروح جنبه وأمشي واتبعه وانك فيه واشك لي صحبه معه

أمين (يظن أنه لوحده):

على الخصوص اليوم وجيله اللي ظهر بكثرة اللذات وبالخبص اشتهر

إبراهيم (لنصير):

قرَّب عليه

أمين (يظن أنه لوحده):

... .. والبعد عنهم في الكلام يحكم غنيمة

نصير (لأمين):

... .. وعليكم منِّي السلام

أمين:

دا لي أنا؟

نصير:

... .. أيوا، بقول: نهار سعيد أنا منّا جارك وبيتي مش بعيد
زعلت وحدي قلت شوف جارك حضر اقعد معه ساعة وقول له علخبر

أمين:

انها خير؟

نصير:

... ... يبقا انت منتاش في البلد
والناس كثير على سرايته مجمعه
والبهلوان على السطوح حبله نصب
قاعد لوحك يا أخي بتعمل إيه؟!
إن الملك يوم الخميس جاله ولد
وبدال مزيكة تلاقى أربعة
ومزيين كل السراية بالقصب

أمين:

بشوف شغلي

نصير:

... .. يا سلام! دا شغل إيه؟!

روح بس ساعة في النهار أو ساعتين

أمين:

روح فُضْنَا، هو أنا بافضا منين؟!

(ويروح.)

المنظر السادس

(نصير وإبراهيم)

نصير:

واش بعدها في ابن الحرام دا يا ابراهيم؟!
باني عليها صور من كل الجهات
ما بس فاتها يوم تخرج وحدها
تفضل ظريفة تحت إيده دالبهيم؟!
ومضيق الدنيا وطالع في التبات
وكل ساعة بس قاعد عندها

إبراهيم:

يا شيخ لا تزعل وفيه ما تفتكر
لكن أفعاله تساعدنا هنا
دا نطع جامد بالقوي مخه عكر
على بلوغ القصد منها والمنى

من غير مشقة وصلها يُحكّم قريب
تتوه مخانتهم بتضييع الحواس
بس العزول هوّا لوحده يتمشق
دانا مدقق في الأمور دي من زمان
واستغربوا فعلي ومكري كلهم
وهي تسلّم غصب عنه وتبتذل
وفي الكلام الجد تلقاه فشروي
وليه كدا تتكلمي مع الجيران
يعمل قوي شاطر وهو لسا غشيم
الزم ظريفة بس منّي والسلام

حيث المرة اللي تنحكر عن الحبيب
والزوج ويّا الأب إن زادوا احتراس
ويسهّلوا كل الأمور لمن عشق
فهمت مقصودي والا أقول كمان؟!
وخدمت ميت واحد وانا أقضي شغلهم
رگك على جوز المرة يكون رزل
يدخل من العتبة مكشّر ملتوي
ويقول لها: ليه تفتحي الطاقة كمان؟!
وان راحت الحمام على بابيه يقيم
ما تفتكرشي يا أخي قصر الكلام

نصير:

والقلب فيها هام وبالنار اشتعل
في فرد كلمة بس أحكيها لها
والا مقدّم بس والا مقدّمة
واحكي على شوقي لها وأقول لهم
أنا اعمل ايه فيه؟! بس قل لي يا ابراهيم

لكن ادي شهرين فاتوا بالعجل
وادي كمان شهرين وانا مشغول بها
لو كان لها خدام والا خادمة
كان بالفلوس اعرف أميل عقلهم
إلا مسدّدها عليّا داللييم

إبراهيم:

ولا بلغها انك قوي تحبّها

لدالوقيت لسا محدّش قال لها

نصير:

ووجهها لبيّض جعلته قبلتي
ولا بقاش فاضل لنا إلا الكلام
تفهم وإلا كل ده رايح هدر

في كل يوم أنا عاملها شغلتي
وبالعيون ديما أبلغها السلام
لكنها يا هلتري من النظر

إبراهيم:

يا بالكتابة تفهّمك يا باللسان

أما الكلام بالعين ده ما لوش أمان

نصير:

اعمل لنا حيلة على تفهيمها من أجل ما اطمئن وأشرب خيمها

إبراهيم:

فهمت يكفا قوم بقا وادخل بنا في البيت نتحدّث ونخلي فكرنا

القطعة الثانية

المنظر الأول

(ظريفة وأمين)

ظريفة (لوحدها):

يا رب، من دون البنات أفضل كده؟! مربطة عند الرجل دا مقيدة؟!
لأعب عليه ملعوب عسى الله ينطلي وافك به قيدي الحديد وأنجلي

أمين:

مالك كده؟

ظريفة:

... .. ما لي كده ازاي يا صبي؟! ما دريتش بللي صابني وحل بي؟!
واحد من الجيران مزعلني كتير وكل ما تخرج يجي زي الغفير

أمين:

أيوا عرفت الشخص اللي بتوصفيه وعرفت بيته وكأنني كنت فيه
مش همًا قالوا لك عليه اسمه نصير دالوقت اروح له لو يكون عند القصير

ظريفة (تقول وهي خارجة):

يا رب دي مني جسارة زائدة ولا يليق من البنات تعمل كده
لكن مع راجل رِذْل ما فيه ملام العذر مقبول والخيانة مش حرام

المنظر الثاني

أمين (لوحده يخبط على باب نصير ويقول):

يا اللي هنا حدش هنا ما بتسمعوش دولا جماعة من ولاد حلق وحوش
يا ناس يا اللي فوق يا أولاد الزنا حدش هنا؟ حدش هنا؟ حدش هنا؟

المنظر الثالث

(نصير وأمين وإبراهيم)

أمين (لإبراهيم اللي خرج الأول):

ما فيش هنا إلا انتا؟! عجائب والنبى! ما تقول لنا سيدك خرج فين يا صبي؟

نصير (يخرج ويقول):

أهو أنا سيده

أمين:

... .. أهو إنت الطلب

نصير:

عظيم قوي، يا هلتري واشلو سبب؟!

أمين:

هو انتا يا ابن الناس مش اسمك نصير؟

نصير:

أيوا أنا برضي ولا في حد غير

أمين:

بقا أنا جيت في سؤال وله لزوم

نصير:

ادخل وشرّف منزلي حكم اللزوم

أمين:

أنا الشرف دا معروفش ولا الدُّخول كدا وانا واقف

نصير:

... .. ولكن مش أصول

أمين:

قصر الكلام

نصير:

... .. طيب أجيب كرسي هنا

أمين:

احكي وانا واقف كده، بقول أنا

نصير:

العفو يا سيدي

أمين:

... .. أهو بدّي كده

نصير:

اتفضل اقعد، ليه بس العند ده؟!

أمين:

انتا جدع مظبوط وبايئة همّتك
علبت دي اللي ساكنة في القنطرة؟!

لايس قل لي على الصّحيح في دمّتك
هوّا أنا مش الوّصي يا هلتره

نصير:

صحيح

أمين:

ولي كمان شهرين بحضّر في الجهاز
وتدّعي إنك قوي تحبها؟!

... وحيث إني مصمّم علجواز
ليه بس انتا كل يوم مدبوق بها؟!

نصير:

أنا

أمين:

بلا لواة في الكلام بلا بدع

بقول لك أيو انت يا جدع

نصير:

على الكلام اللي نقل وأدّبه

مين دا اللي قال لك فين هو؟ وانا أكذبّه
مين بس قول

أمين:

... .. أهو بلغني عن ثقة

نصير:

ما تقلش مين

أمين:

... .. ما اقلش انا عليه بقه

نصير:

لازم تقول عنه

أمين:

... .. دي هيا بنفسها

نصير:

هيا اللي قالت؟

أمين:

... .. أيوا هيا برضها
ما عمرها غيري رأْتُ جدعان كبار
لوحدنا الاتنين في وقت العشا
إن كان معي تمشي والا وحدها
وتدان تحدّثها بأطراف العينين
وفضّلت تتمنى أنّها يوم توعدك
وصار جرّيك عندها من غير نفع

دنا مربّيها وهي لسا صغار
واحنا على السفرة بناكل في العشا
قالت عليك أنّك إذا ما شفتها
لا بد ما تمشي وراها ساعتين
حتى ظهر حالك وفهمت مقصدك
لكن رأْتُ في قلبها حبي انزرع

نصير:

بقول هيا اللي حكّت لك بالكلام؟

أمين:

أيوا وقالت لي اخبره حالا قوام
وبنار هواها منحرق ومنكوي
ما لقتش واحد يخبرك إلّا أنه
من بعد دا تستاهل اللي يحل بك
أوعا لنفسك وانتبه لدا الكلام

حين شافتك في حبّها مشغوف قوي
من كتر ما زادت زعل وعكننة
وادين بنفسي جيت هنا وبوعبك
دا حبها ممنوع على غيري حرام

(ويبعد.)

نصير (لإبراهيم بشويش):

وانت اش يكون رأيك بقا كيف العمل؟

إبراهيم:

أبشر بوصل الحلو وبلوغ الأمل
بس انت اصبر له وهو بكره بيان
وبدّها ترمح كمان في غفلته
لا بد ما فيه سر ظاهر للعيان
في دمتي ملعوب عليه من حرّمته

المنظر الرابع

أمين (لوحده):

أما انخزى والخزي كان باين عليه
لاخبر ظريفة على كلام اللي جره
من شان مزاجها من كلامي اليوم يروق
ما شفت في النسوان حرّة مثلها
دا حمو من تربيتي فيها انطبع
والخوف ظاهر من كلامي في عنيه
وانه عرف بأن شغله مسخرة
ومن الزعل لنفسها تقدر تفوق
ولا نظيرها بعدها ولا قبلها
تزعل وتظربن إذا شافها جدع

المنظر الخامس

(ظريفة وأمين)

ظريفة (تقول بشويش وهي داخلّة):

لحسن نصير من وهجته يكون ما فهم
لافهمو النوبة الغرض بالمفتش
ولا بمقصودي لحظ لا وعلم
إياك يخلصني من الراجل الكشر

أمين:

حقًا اسكتي

ظريفة:

... .. إيش الخبر؟

أمين:

... .. خبر عجيب!
حين قلت له اصفر لونه وانقطف
وأظن عمره ما بقا يرجع لها
وشيء ظهر لي زي ما قلت غريب!
وصار يتهته في كلامه وانكسف
ولا بقا يعود لعمله زيها

ظريفة:

والله أنا خايفة يكون من حمقته
نوى على عملة تداوي علته

أمين:

والخوف بقا من إيه ما هو فضها

ظريفة:

بالكش ساعة ما خرجت انت إليه
رأيت في الحارة جدع فايت شباب
لا بد فيه مكتوب مطوي أرسله
راح بالعجل يجري وخلاني عدم
والله القباحة والرزالة برضها
وفضلت حصّة طيبة تنده عليه
حدف من الشباك شيء زي الحجاب
واللي رماه ما قدرتش اني احصله
وركن في قلبي من الغيظ انهدم

أمين:

أما صحيح خباص وكل الخبث فيه
إياك لوحده بس مرة ألتقيه

ظريفة:

لكن من الواجب نغيظه ونفقعه
بس أمّا اشوف واحد يكون غيرك
ونرد مكتوبه عليه ونرجعه

أمين:

... .. وليه
هوّا كمان دا شيء ما أقدرشي عليه؟!

من شان عيونك يا ظريفة لاحمله
وارميه هناك لابن الزنا اللي أرسله
مش نفتحه ونشوف إيش دا وضَّبه

ظريفة:

أوعى تجي يمَّه ولَّا تقربه

أمين:

ليه بس

ظريفة:

... .. يبقى انتا كدا واصل غشيم
يمكن كلام في العرض أو قلة أدب
خليه بختمه زي ما جا ابعته
لأن واحد زي ده ما له اعتبار
خليه يموت في كسفته من الخجل
الحمد لله يا أخي ذوقك سليم
تبقا لتعكير جتتي انت السبب
وارميه في وشه واوعا تحدَّته
ولا يلحق به شيء غير الاحتقار
وتجد في قلبه الكراهة بالعجل

أمين:

والله كلامك يا ظريفة بالأصول
أما حقيقة أثمرت تربيَّتي
مين بس زيَّك في البنات يعرف يقول؟!
تستاهلي انك تكوني حُرمتي

ظريفة:

وانتا كمان اللي يقع بتصلحه
الظرف أهو فيدك وتقدر تفتحه

أمين:

بعد الكلام الحلو والعقل الزكي
هو مش بعيد عني يدوب خطوتين
أقدر أخالف يا ظريفة قولكي؟!
أروح أرميه له وأقول له كلمتين

المنظر السادس

أمين (لوحده):

ولفظها اللي تلفظه سكر نبات	أما ظريفة زيتها ما فيه بنات
آه من ذكاوة عقلها والمقدرة!	وفي الحرورية دي ست مخدرة
حتى الجوابات عندها دا عار كبير	لما أشوف الوصف دا فيها أطير
إلا على إيدي كمان تشيعة	ولا عجبها دا الجواب تقطعه
يطلعش من إيدها تحاذر زيتها	يا هلتري امرأة أخويا أختها
ييقوا على ما يعودوهم في الصغر	لكن على ظني البنات عند الكبير

(ثم يخط على باب نصير ويقول):

يا للي هنا

المنظر السابع

(أمين وإبراهيم)

إبراهيم:

... .. مين اللي بيخبط هنا

أمين:

افتح بقا لما أقول لك دا أنا

(ينفتح الباب ويقول أمين):

ويشيعة ملفوف لنا زي الحجاب	روح قول لسيدك ما بقا يكتب كتاب
أهو الكتاب مقفول بختمه منطوي	أحسن ظريفة حرمتي زعلت قوي
والعشق ويا الكذب من فعله ظهر	يكفاه بقا أهوا أمره اشتهر

(ويروح.)

المنظر الثامن

(نصير وإبراهيم)

نصير:

انهو جواب اللي بيحكى لك عليه؟!

إبراهيم:

جواب أهو ملفوف خد شوف فيه إيه
بيقول عليك انك بعثته لحرمته من غير ما تقراه أهياً ردته
إن فاتني حزري يكون ملعوب عظيم قوم افتحه واقراه دا راجل غشيم

نصير (يقرأ الجواب):

إنك بلا شك تتعجب من هذا الجواب، ويبان لك إني جازفت بنفسي عند تحريره، وتعلم كيف توصلت إلى كتابته، وأعجب من ذلك الطريقة التي اخترعتها في توصيله إليك، لكن الحالة التي أنا فيها أوجبتني لفعل ذلك، وسبب هذه الجسارة هو أنهم عزموا على جوازي بهذا الشخص، بعد ستة أيام، فلأجل خلاصي من تلك الورطة قد اخترتك، وقلت إنك أولى بي من هذا العنيد، فلا تظن مع هذا أن الاضطرار هو الذي أوجبني للميل إليك؛ فإنك عندي بمنزلة الأعز الأكرم، وإن الاستعجال هو الذي أوجب عدم الاعتنا بالكتابة، وربما أكون نسيت الواجب من أمور المودة والمحبة، فإن كان لك ميل إلينا فالأمر يتوقف على رضاك، وها أنا منتظرة إفادة منك تدلني على ما في قلبك ومنزلتي عندك حتى يمكنني أن أخبرك بما نويت على فعله، لكن افكر ان الأمر مستعجل جداً، وان قلوب المحبين غنية عن التعبير بكثرة الكلام.

ظريفة

إبراهيم:

أماً كدا ملعوب عظيم ولّا بلاش! وزى دي حيلة جميلة ما بقاش!

نصير:

بقيت أنا معذور في عشقي لها على الخصوص لما ظهر لي عقلها

إبراهيم:

أوعا احسن الملعون أهوًا جا هنا تحكي معه ولاّ معه أحكي أنا؟

المنظر التاسع

(أمين ونصير وإبراهيم)

أمين (لنصير):

بدك كمان ترسل جواب وتحبّشه وتبث فيه شوقك وبعدين تنكسف فضك بقا نانا ودوق ملحك كمان دا قلبها مشغول بحبّي يا صبي وتوضعه في كيس حرير وتدندشه وتبان أمورك للعيان وتنكسف ولا تقول أعشق فلانة أو فلان أما غرورك زاد وحياة النبي

نصير:

في دمتي يا سي أمين سلّمت لك توبة على يدك بقا من الغرور ما انتا بشر بين الرجال انتا ملك حقيقة إنك بطل قوي جسور

أمين:

معلوم بطل

نصير:

... من غير كلام بطل صحيح واللي حصل مني بحقك مش مليح

أمين:

ما فيش كلام

نصير:

... ما فيش كلام ولا حديث
ونزلت لك عن الطلب برمته
لما بلغني همّك بعدين رسيت
واللي مضى فُتُّه وأبريت دمه

أمين:

عملت طيب

نصير:

... بس يكفنا والسلام
الحق بيدها في الزعل دا اللي حصل
دي بنت حرّة ما عليهاشي ملام
واهو جوابي زي ما جبته وصل

أمين:

كلام مليح

نصير:

... وانا كمان قلبي سلا
لكنّ من لطفك وظرفك والكرم
والعشق من قلبه على الرغم انسلب
اعمل مروءة وخصّها بأزكى السلام
فاتت ثلاث اشهر وانا مكوي بها
لكن عمري في ضميري ما خطر
إلا هوى عذري نقي خالص نضيف
ولا بقا أدنى عشم فيها ولا
تسمع كلام عاشق من الحب انحرم
واستولت الأحزان عليه وانتا السبب
وقل لها عني أنا آخر كلام
وزي عينيّا فؤادي حبّها
من أجلها في البال شيء وفيه خطر
من قلب صافي قد ما يقدر عفيف

أمين:

طيب

نصير:

... وحيث إن الفؤاد كان مال لها
لكن رأيتها اليوم بك متولّفة
وكان مقصودي أنا ازوّج بها
فقلت للقلب ارتجع عنها كفه

أمين:

برضه كلام طيب

نصير:

لما وصلنا في الكلام للحد ده وانا من بعد ده
وكل يوم فيها تجيني سكرتي	زال العشم منها وهي في فكرتي
ما بس أسلاها ولو زرت التراب	وان كنت أقاسي في الهوى كل العذاب
إلا مراعاة خاطرك يا سي الأمير	ولا هناك مانع صغير ولا كبير

أمين:

كله كلام عَقْلا وناس متأدبين	أما الكلام اللي حكيته عن يقين
يكفا بقا ما عدت تتعلق بها	لاحكيه لها بالحرف وانت فضها

(ويخرج.)

المنظر العاشر

أمين (لوحده):

انهت واصل والعشم منه انقطع	والله قوي صِعب علياً دالجدة
ولا بقى يقول فلانة أو فلان	وراح وقلبه بالهوى مكوي ملان
بأنها تحبني ليه يحترف	لكن عليه الحق حيث إنه عرف

(ويخبط على بيته.)

المنظر الحادي عشر

(أمين وظريفة)

أمين:

حقاً الجدة دا ما رأيتشي وصفته أخذ الجوب مني وهو في كسفته

قطع العشم واصل وعنك اقتصر
وقال أقول لك عالكلام ولو طويل
على فؤاد من نار حبك منكوي
وارد وإلا شيء يكون لك فيه خطر
مال لك وكان قصده تكوني حُرمته
فقال لقلبه: ارتجع نانا كفه
ما بس يسلاكي ولو زار التراب
إلا مراعاته حقوقي ترجعه
حتى بقيت أبكي وأنا باحدته

جاهد ولما شاف نفسه ما انتصر
ورجع يحلفني بأيمان القتل
بأن له شهرين ثلاثة منطوي
وإن في باله حبك لم خطر
وإن قلبه والفؤاد برمته
لكن رآكي اليوم بي متولفة
وإن كان يقاسي في الهوى كل العذاب
ولا هناك عنك موانع تمنعه
صعبت عليا يا ظريفة حالته

ظريفة (بشويش):

كم بان من عينيه إنه يحبني!

ما خاب ظني فيه دا الحلو الهني

أمين:

بتقولي إيه؟

ظريفة:

تشفق على حاله ولا تسفّهه

... بقول على شان ما أكرهه

أمين:

دا فيه غرام مسكين يمكن يقتله!

هوا أنا أظهرت أو بيّنت له؟!

ظريفة:

والقصد يسرقني ويجعلني دواه
أبقى في وسط الناس عرضة للملام؟!

يبقا كمان ما يحضر كشي اللي نواه
ومين يعيش من بعد دالعار؟! يا سلام!

أمين:

إيه إيه؟!

ظريفة:

قاسي ويترتب عليه لنا خطر
بأنه يسرقني وانا في فرشتي
من بعد جمعه رح يكون بعد الجهاز
وبالعجل ندخل ونخفي لعبته

... أيوا اليوم بلغني عن خبر
أنه حلف بدمته ودمتي
على الخصوص لما سمع إن الجواز
واجب عليك انك تقدم مدته

أمين:

ما تصدقيش

ظريفة:

وكل شيء يفعله يبقى مباح!

... حقا ظهر منه الصلاح

أمين:

أمال أقول لك إيه؟!

ظريفة:

فضلت من ضحكك كدا تطمعه
ولا مشي مرة معانا بالخلاف
أبصر بقا انضر إيش بدّه يفعله
بأنّ له عندي منازل في الفؤاد
وأحب أخرج دالوقيت من عشرتك

... بس انت امنعه
لو كنت تحكي جد كان حشم وخاف
إلا كمان بعد الجواب اللي ارسله
وكمان بلغني ان عنده اعتقاد
وأنّي أريد اليوم أنفض قشرتك

أمين:

أما صحيح مجنون!

ظريفة:

... .. ولكن مقصده
لما تكون عنده يدان يدهلك
أوعا تآمن له دا بده يفتنك
ومين بقاله على الأماير دي جلد
أنه يدك السهم فيك وينفده
ويكرّمك في حضرته ويعزّزك
يلعب بمخّك في الكلام ويختنك
من حي ما اشتاعت بنا أهل البلد

أمين:

بس انتي ما تخافيش

ظريفة:

... .. لازم تخزّمه
خليني اشوف لي يوم صَبَح عرضي شلم
وتجيب لجام زي الحمار وتلجمه
دا العرض ما يرجع لنا إذا انتلم

أمين:

لازم أروح له دالوقت وأشفره

ظريفة:

لازم كمان تعنّفه وتعزّره

أمين:

بس اسكتي

ظريفة:

... .. أدين أهو في الانتظار
وارجع قوامك بالعجل لجلن أراك
أوعا كمان تقبل جَجَج ولّا اعتذار
أحسن أنا مقدرش اعيش ساعة بلاك

أمين:

حاضر على عيني وراسي ما أغيب
والله الكلام يا منيتي كلام حبيب

المنظر الثاني عشر

أمين (لوحده):

لله ما أحلى المودّة والغرام في حب ست مخدّرة صاحبة مقام!
أدي البنات للي يريد ولاّ بلاش! حرّة نقيّة زيّها قول ما بقاش
دي أغلب النسوان صارت كلها يا الله السلامة! ربنا يعلم بها!
(ثم يخط على باب نصير.)

ما بار علينا اليوم الا ده كمان طالع على فارعه هنا يا الله الأمان!

المنظر الثالث عشر

(نصير وأمين وإبراهيم)

نصير:

يا هلتري إيش جابك كمان وشيّعك؟

أمين:

جيت من فعالك لجل أتخاّنك معك

نصير:

وانا إيش حصل مني؟!

أمين:

... .. حصل منك كتير
فضّك من التزويق معايا في الكلام
باللطف عاملتك وقلت اني اصطبر
تعمل عليّا بصطليجة يا جدع؟!
دنا قبل دا كنت احسبك جدع أمير
واظهر لنا أصل المخبّي والمرام
وانتا على منّا عليه ما تعتبر
أما حقيق انك ولد صاحب بدع!
بدّك تخامرني وتسرق حرمتي؟!
بكرة تبان لك همّتك من همّتي!

نصير:

مجنون مين اللي أخبرك عن دالكلام؟! هو جد والا شيء رأيته في المنام؟

أمين:

هيا ظريفة اللي اخبرتني بنفسها
وأرسلتني لك وقالت اخبره
وإنها ما تميل لغيري بس يوم
يكفا كلام فارغ بقا وعكننة
حتى الجران الكل سمعوا حسها
وإذا توقف غصب عنه أجبره
ولو يصبح دمها عالارض عوم
هتكتنا يا ابن الحلال جرستنا

نصير:

إن كان كدا قالت أنا قلبي انشرح
ولا بقيت أحكي كلام ولا أشيع
وطاب بعد أن كان فيها انجرح
وزي ما بتأمر أنا سميع مطيع

أمين:

حتى كمان إن كان بدك تقتنع
بأنها تحبني وتكرهك
يالله بنا في بيتنا نروح سوا
ومن حنكها نفسها تريد تستمع
وتعزني كثير قوي وتسفك
وتشوف فؤاها فيك أو فيا انكوى

(ثم يتوجهوا ويخبط أمين على بيته.)

المنظر الرابع عشر

(ظريفة وأمين ونصير وإبراهيم)

ظريفة:

وكمان جاييه لي وقصدك بس إيه؟!
بدا أشوفه لجل ما تزيد رغبتني
انتا عليا راح تجي ولا عليه؟!
وتنشبك به غصب عني مهجتي؟!

أمين:

بيقول علياً للكلام دا اخترع
ولا تحبني فرد شعرة بس فيه
ويكون كمانى راق لعقله وانتبه

القصد يا روجي ان قولى ما استمع
واني بقول الزور انك تكرهيه
على شان كدا جبته تزول عنا الشبّه

ظريفة (لنصير):

والا أقيم برهان عليه وافسره؟!!

هو انت عندك شك في اللي باذكره؟!!

نصير:

وهو على الكلمة يقول ويتكّي
لما نده لي اليوم وفي بيتك أتيت
واهو بلغني مقصدك على كل حال

لما رأيت اللي حكاها ما ينحكي
الشك زاد عندي ولكن دالوقت
سمعت أمرك والتزمت الامثال

ظريفة:

هواً كلامي برمّته مش من معاه
وتتضح كل الأمور لنا كمان
وتحققوا الدعوى هنا وتعلموا
لكم منازل في فؤادي مغايرين
وأكره التاني وبدّي أخنقه
لما أشوفه تعتريني زلزلة
واكدّبه في الحب لو يوم ادّعاه
ومن العذاب دا كل يوم يكفا به!
ويمنع التاني ويكفانا نزاع

لا لا اهو برض الكلام اللي حكاها
ودا جميعه لجل يحصل لي طمان
وادين أقول دالوقت لجلن تفهموا
بأنكم لتنين اللي حاضرين
واحد أحبه زي عيني وأعشقه
واللي أحبه له بقلبي منزلة
واللي اكرهه لو مت ما اقدشي معاه
لكن يكفانا كلام ولقلقة
اللي أحبه يجتهد في الاجتماع

أمين:

والله يا حلوة لعجل بك قوام

ظريفة:

وانا كمان يرتاح قلبي والسلام

أمين:

لاريحك يا نور عيوني عن قريب

ظريفة:

وانا كمان من دا المرض قلبي يطيب
وان كان عيب على البنات تحكي كده
لما بقت جرسه كبيرة وشوشرة
وأعين اللي مقصدي أجوزه

غُلبت ساكنة لكم واقول اش بعد ده؟!
لكن بالنسبة لكل اللي جره
وجب عليا اصون عرضي وأنقذه

أمين:

والله كلامك حق يا نور العيون

ظريفة:

أهو غير كده معرفش، واللي يكون يكون!

نصير:

وعرفت قصدك بالكلام اللي انذكر
من بعد ساعة ما بقيتي تنظريه

عظيم قوي أهو الكلام هنا ظهر
والشخص اللي طول عمرك تكرهيه

ظريفة (لنصير):

أنظر إليه في البيت والا في الطريق

خيار ما تعمل؛ لأنني لا أطيق

(ولأمين):

قلتش كلام يزعلك ويخل بك؟!!

يا هلترى كل الكلام دا يعجبك؟!!

أمين:

لكن صاحبنا بشوفه ملتوي

إن كان من شاني أنا مبسوط قوي
وليه كدا مسكين قوي زعلتي عليه

ظريفة:

أمال بقا بدك كمانى أعمل ايه؟!

(وتروح.)

أمين (لنصير):

مسكين قوي حالك!

نصير:

... .. ما بيدي اتحكِّمْتُ

أمين:

لا حول ولا قوة خلاص وصمِّمْتُ

نصير:

وانا كمان حيث إن دا آخر كلام لازم أطاوعها واسافر والسلام

أمين:

مسكين قوي! باين عليك كتر الزعل من كسفة الحرمان قلبك اشتعل
خد حضن منِّي قبل ما تروح والنبي دا حضنها حضني يسليِّك يا صبي

(ثم يعانقه.)

المنظر الخامس عشر

(ظريفة وأمين)

أمين:

أما نصير غلبان!

ظريفة:

... .. وليه؟ اش غلبه؟

أمين:

على شان عيونك كتر شوقه عذبّه
نانا بقا تأخير ويكفانا لجاج!

وانا كمان بكره لعجلّ بالزواج

ظريفة:

بتقول من بكرة؟!

أمين:

بكرة تشوفي الخير لما تدخل
غرشي الحيا من الجواز منفرك

... .. وليه بتزعلي
وتشكريني زي ما انا بشكرك

(ويروح.)

ظريفة:

وان كان له أدنى عشم بي تقطعه

يا رب تلهمني بحيلة تمنعه

القطعة الثالثة

المنظر الأول

(ظريفة وحدها)

الموت أهون لي ولا أجَّوزه جت دا حنوتي يكفنه ويجهزه
دلوقت ادحنا ليل ولا حدش هنا أروح بنفسي للحبيب أجري أنا
أفضل كدا استنأ وبكرة انورط؟! وتحصل الدخلة وبعدين اتربط؟!

المنظر الثاني

(ظريفة وأمين)

أمين:

أنا قوام راجع

ظريفة:

... .. وأنا بدي أروح أحسن معايا سر خايفة به أبوح
واللي جبرني علخروج أختي بدور خايفة عليها لا تروح برّا تدور
حبستها جواً حدانا في الرواق وقلت أحس من زعل ولّا خناق

أمين:

ليه بس؟!

ظريفة:

وطَلَّقت جوزها القديم وكَبَّتته
ونزَّلت من كل عين لها جفان
ما تفوت نصير وتفضَّله على ألوف
معلَّقة به قلبها ومجنَّنة

... .. مش عشقت نصير وحبَّتته؟!
دالوقت جت تشكي وتبكي لي كمان
وتقول لو يقطَّعوها بالسيوف
ولها على دالحال من مدة سنة

أمين:

آه دالقبiche!

ظريفة:

لما طردناه من حدانا وانفصل
جت لي قوام تجري حزينة معكنة
وإذا رأيتي عيب علياً تستري
كان بدها تكلِّمه من الرواق
على شان يسمعها يقول هيا أنا
عند الجران مقدار ساعة وارجعي
وادي السبب لي في خروجي والسلام

... .. حين عملنا اللِّي حصل
وحين بلغها انه مسافر من هنا
وتقول في عرضك يا حبييتي تعذري
وشالت الشباك وبصت في الزقاق
وقلَّدت صوتي كمان يا عشتنا!
لما رأيتها قلت انا لنفسي اطلعي
أنا لساً بخرج إلَّا وانتا جيت قوام

أمين:

وانتي على شانها كمان ليه تخرجي؟!
أما أخويا دا صحيح عقله خِرِع

لكن أنا مالي ومال أختك تجي؟!
يا لله على بيتها تروح وتنقرع

ظريفة:

خليك مداريها وأوعا تنكشف
والا انطَّطها كمان من السطوح

دالوقت تخرج بس منك تنكشف
وانا ازيِّرها وخليها تروح

أمين:

والا استخبَّأ بالعجل في المنردة

خلي الخروج لمباب وادين في السندرة

ظريفة:

أوعا تكلمها هنا والا تبان

أمين:

هو انا واصل حمار والا جبان؟!
والا اندفس أو انبرم جواً الحصير
أروح لخويا أخبره بللي جرّه

على شان عيونك استخباً في الحضير
لكنها من بعد ما تروح دي المَرّة

ظريفة:

أحسن كمان تبقى فضيحة عند اخوك

ما تجبش سيرتي في الكلام وحياء أبوك

(وتخش.)

أمين (وحده):

وأوعّبه بللي جري وأخبره
انه بأفعال النساء لسا غشيم

روحي انتي متخافيش وامتي انظره
واعرفه نفسه وأوريه دالبهيم

ظريفة (من جواً البيت تكلم نفسها):

لكن عمايل زي دي مش ممكنة
يالله على بيتك قوام روحي بقه

والله يختي ان حالك غمّنه
والعرض ما يحمل كلام ولقلقة

أمين (يقول وهي خارجة):

من خوف ما ترجع هنا واسمّره

لأتربس الباب بالكلون وأدوره

ظريفة (تقول وهي خارجة بشويعش):

وخاطري المكسور إنك تجبره

يا رب تحفظني وفعلي تستره

أمين:

والله لأتبعها واشوف فين قصدها وان كان يمكّني لخويا لردها
ظريفة (تروح على بيت نصير وتقول):
الحمد لله الظلام جالي دوا والليل دا مخلوق لأرباب الهوى
أمين (لوحده):

على بيت نصير رحت بعيني شفتها يا ريتني دقيت فيها وحشتها

المنظر الثالث

(نصير وظريفة وأمين)

نصير (وهو خارج مستعجل يقول):

والله دالليلة لأعمل عملتي واسعى وابيّن للحبيبة همّتي
مين دا اللي ماشي؟

ظريفة:

... .. يا نصير، بلا زعيق هيّا ظريفة اللي رأيتها في الطريق

أمين:

والله يا بنت الزنا انتي تكدي تغيري إسمك كمان وتنصبي

ظريفة:

برضي أنا يا نصير ظريفة ...

نصير:

... .. تسلمي يا اللي بجنح الليل معي تتكلمي
بكرة وديني لعمل اللي في نيتي واحظي بوصلك عاجلاً يا منيتي

أمين (لوحده):

مغشوش يا مسكين!

نصير (لوحده):

... .. قوامك ادخلي
يا ست روجي قد تشرف منزلي
والله لو جاني العذول لاضححه
واكتفه زي الخروف وأدبحه

المنظر الرابع

أمين (لوحده):

مغشوش دالمسكين! ومين يتقصده؟!
ولاً عن الفاجرة اللي زيّه يبعده؟!
لكن على شان بس خاطر أختها
لاسى وأجوزها وأعدل بختها
واكتب كتابها بالعجل على نصير
ولا علياً لوم حيث دا فعل خير

(ثم يخط على باب معاون التمن.)

المنظر الخامس

(أمين والمعاون وواحد مأذون وواحد خدام بيده فنوس.)

المعاون:

إيش الخبر؟

أمين:

... .. مني عليك أزكى السلام
الأمر لازم لك هنا من غير كلام
عندي قضية بالقوي مستعجلة
مين بس في الدنيا يحب البهدة؟!
واحد غوي وحدة وعنده جرّها
من بعدما ميّل دماغها وغرّها
ومقصدي نكبس عليهم بالوقيت
على شان كده يا سي معاون كنت جيت
دي بنت ناس نكتب كتابها والسلام
أحسن كمان يعيش معاها في الحرام

المعاون:

أهو جنبنا المأذون نبعت نجبده يكتب كتابها بالعجل ويقيده

أمين:

إن كان كذا استنًا هناك واوعا تسبب منه أحد يخرج وانا مش راح أغيب
ومرحبا بك يا أفندي لابسك بس اوعا واحد بالدراهم يورطك

المعاون:

يبقا كمان هي حصّلت للحد ده! هوّا معاون التمن ينقال له كده؟!

أمين:

العفو موش القصد اصبر لما اجي أنه لخويا هو قريب في الطلوجي

(ويروح.)

المنظر السادس

(أمين وأدهم)

(أمين يخبّط على بيت أدهم.)

أدهم (يقول):

مين اللي بيخبّط؟

أمين:

... .. دنا

أدهم:

... .. انتا أمين؟

أمين:

لما انتا عارفني تقول لي ليه مين؟!

أدهم (يفتح ويقول):

دالوقت واش جابك؟

أمين:

حاجة ظريفة تتحفك وتبجحك
هيا هنا والا كمان راحت تدور؟

... .. أنا بدّي افرحك
تعرفش تحكي لي عن ستي بدور

أدهم:

وليه تسألني دي راحت في فرح

أمين:

حقاً من امّا قلبها فيه انشرح!

أدهم:

والقصد إيه؟

أمين:

لا انتا أبوها يا أخي ولا عمّها
وكل يوم تزعق علينا بالنّفير
لا الحبس ينفعهم ولا كتر العذاب
القفل والتضييق عليهم مسخرة
وتروح تتفسّح إذا كان بدّها
تقدر تروح لوحدها مع الأمان
ويعلم الإنسان أحسن من كتاب

... .. القصد أوعا تغمّها
من حيّ ما سمعنا كلام منك كثير!
وتقول كلامها يا أخي عين الصواب
وان كان هيا بنت أو كانت مرة
وان كان هواها جا بتخرج وحدها
وفي الفرّح والا الجينة دي كمان
حقاً كلام موزون ومنه الاكتساب

أدهم:

مش بس تحكي لي وإيه قصر الكلام!

أمين:

البنت ما لها ما عليهاشي ملام
هو حد يا مسكين يعمل زي ده؟!
إن كان هي تفلح وإلا أختها

انت اللي تفريطك عمل فيها كده
قوم شوف بعينك يتضح لك بختها

أدهم:

برضي منيش فاهم

أمين:

من أجل تَطْمَن وقلبك يستريح

... .. أقول لك علصحيح
مش في فرح في بيت نصير ممدة

أدهم:

بلا كلام فارغ! وحوش روحك كده!

أمين:

في بيتنا كانت هناك مع أختها
وبعد ما خرجت أنا بشويش جريت
وبالأمارة كانت الدنيا ظلام
لجلن تصدقني وبالعين دي تشوف
ولها سنة كاملة بحبّه معلقة

والله بالعين دي وديني شفتها
ما كنت أعرف عشقها بعدين دريت
وشفتها في بيت نصير دخلت قوام
منتش مصدق قوم معايا يا خروف
دي من زمان لحضرته مشوقة

أدهم:

إن كان صحيح أبقا أنا راجل ولي
ومجتهد في حظها ليل مع نهار

تبقى ظواهر غش منها وتنطلي
دنا مدلّعها وهي لسا صغار

أمين:

لما تشوف بالعين بيان لك كل شي
وانا كمانى لجل ما استر عرضها
لأن ما ظنيش انك بعد ده
وتتضح كل الأمور بالمفتشي
حضرت واحد للكتاب يكتب لها
تقبل عليها يا أخي وهي كده

أدهم:

أما أنا إن صح ما أخبرت به
يكفا كلام بغير نفع! يالله نقوم
ما اقدرش أجبر قلبها وأغصبه
من خوف تدري الناس وتتلّم اللوم

المنظر السابع

(أمين وأدهم والمعاون وواحد مأذون)

المعاون:

بقا اسمعوا إن كان حصل هنا اتفاق
انتم أديكو اتنين وقعتم في البغاز
ونصير قال لي علصحيح وما كتم
إن الولية اللي بقت في حوزته
ما بدّهاش لا شوشرة ولا خناق
وكلكم ناويين سوا على الجواز
واللي انكتب عندي أهو عليه ختم
هيا اللي أصلح له وتبقى حُرْمته

أدهم:

والبنت فين؟

المعاون:

... .. البنت جوا ما تريد
تخرج ولو يجرجروها في الحديد

المنظر الثامن

(نصير والمعاون والمأذون وأمين وإبراهيم وأدهم)

نصير (يطل من الشباك ويقول):

بقا اسمعوا لي واتركوا القول والخناق
ولجل ما يبقاش كلام ولا حديث
واللي يريد منكم يوافق بالقلم
ماذا وإلا مستحيل اني أفوت
ما تدخلوا الا بعد هذا الاتفاق
أنا زي ما قال المعاون دا رضيت
يكتب ويختم زي غيره ما ختم
اللي أحبه يوم ولو اني أموت

أمين (لأدهم):

أما أنا ممنعش عنك حُرمتك
ختمك على دا أمال والا فرمتك

أدهم:

هيا بدور قبلة؟

أمين:

... .. وما لك بالسؤال؟
اكتب واختم زيّنا من غير مقال

نصير:

دالوقت أظهر ما خفي واوضّحه
هيا ظريفة اللي عطت لي قولها
وأقول على الاسم المخبيّ وافتحه
وأنا عطيت قولي وأيماني لها

أدهم (لأمين):

أهو اتّضح قوله عليها بالخلاف

أمين:

اكتب واختم وانت ما لك راح تخاف

(ويقول لنصير):

دالوقت يا مغشوش يظهر لك جهاز
وترتفع عن العيون كل الستور
لما يروح الليل ويأتيك النهار
وتبان إن كانت ظريفة أو بدور

المعاون:

أهو كده قوموا انتو لتنين اختموا
والبنت بعد الختم أظهرها لكم
يكفا بقا تدردشوا وتتكلموا
وتعرفوها يا جماعة كلكم

نصير:

أنا رضيت بالشرط ده

أمين (لأدهم):

... .. وانا كمان
اختم بقا زيي ويكفا كان ومان!

أدهم:

والسر دا كان ليه؟

أمين:

... .. اختم يا جدع
بلا تبات يكفا بقا! بلا بدع

أدهم:

بيقول ظريفة وانت بتقول لي بدور

أمين:

أنا رضيت من غير كلام بالشرط ده
يبقا كده زي الطحون نفضل ندور
ليه بس تتوقف كمانى بعد ده

أدهم:

لكن منيش فاهم

أمين:

... .. مليح أفهّمك وبالحديت كله أقول لك واعلمك

المنظر التاسع

(تدخل بدور مع حسنة على الجماعة.)

بدور (لأدهم):

أما الفرح ده مطلقاً ما لذّنيش وأم العروسة قاعدة زي الكديش

حسنة:

ما حد في النسوان منهم يشبهك ومن الحسد حتى العروسة تكرهك

أمين:

يه! دي بدور! أما عجائب! جت منين؟! يا هلتري كانت مع الخدّامة فين؟

أدهم (لبدور):

أما أنا اتغيّرت من أفعالي
فضلت بالمعروف أمازج والأدب
بدك أحوش قلبي واغيّر نيّتي
وبعدما أصرف على شانك ألوف
لكن لمين يا هلتري راح أشتكي؟!
وانتي تغمّيني كدا من غير سبب؟!
وتضيع فيكي يا بدور تربيتي؟!
يصبح بغيري يا بدور قلبك يلوف؟!

بدور:

الشر برّاً شفت ليّ غير نديم
أحلف واتقطّع وأقول في دمتي
اليوم مش بكرة أريد أجوّزك
ليه مش أنا برضي على العهد القديم؟!
ما حد له غيرك مكان في مهجتي
وزي عينيّ الملاح أعزّزك

أدهم (لأمين):

اسمع كلامها تلتقي أن القول غير

أمين (لبدور):

يبقا أنت ما كنتيش هنا في بيت نصير؟!

مش انتي احكييتي لأختك عنده إنك على دلحال من مدة سنة؟!

بدور:

إيش دالكلام الكذب؟! مين له يستمع؟! واللي يقوله لي لسانه ينقطع!

المنظر العاشر

(ظريفة ونصير وبدور وأدهم وأمين والمعاون والمأذون وحسنة وإبراهيم)

ظريفة (لأختها):

أهل السماح يا بختهم دول من ملاح
بعدين على حيلة على اللي دلني
وبدلت وش القرد بعيون الغزال

يا ختي أنا من حضرتك أرجو السماح
غُلبت صابرة والمقدّر دلني
وملكت أغراضي وعني الكرب زال

(وتقول لأمين):

ما دام يكون لك من فعالى اعتبار
فى ارتباط الناس وتوليف القلوب
فى العيش ما نوافقش مطلق بعضنا
حيث المعيشة مش معانا موفقه

أما انت مش لازم لمثلك اعتذار
وحكمة المولى لها حق الوجوب
وانا رأيت من عين صحيحة إننا
فقلت بالأولى أشوف غيرك بقه

نصير (لأمين):

يكون من إيدك لإيدي الاستلام

أما أنا مجدي وفخري والمقام

أدهم (لأمين):

باللطف اشربها هنياً يا بطل!
لكن أفعالك سبب في وكستك
تستاهل اللي حل بك يا سي أمين
أبرد عليك من تلج وأحلا من غسل!
والخوض في الأعراض سبب في عكستك
ولا تلاقيلك نصير ولا معين

حسنة:

الندل أهو برضه إن صغر ولّا كبر
خلّيه يقاسي الذل إياك يعتبر!

بدور:

صعبان علياً جرسه في دي البلد
لكن أعمل إيه أهو سهمه نفد

إبراهيم:

أهو عليه مكتوب تطلع له قرون
راح يعمل إيه لما حكم طبعه حرون؟!

أمين (يفوق من دهشته ويقول):

دا مستحيل اني من الدهشة أفوق
من كان يظن ان القروء مستحضرة
أمّنت يا ربي يقين إن النسّه
مين كان ياخذ له عقيدة من مرة
ولّا يعود عقلي علياً أو أروق
تعفرت الإنسان في صورة مرة
كلّك على الإطلاق حجارة مجبّسة
يعيش بطول العمر كله مَعِيرَة

أدهم:

يكفا بقا، يالله لبيتّي كلّم
خلّوه في حاله وبكرة نحضره
ولّا نجّي يا نصير جميعاً عندكم
ونزيل من فكره بقا اللي كدّره

حسنة (للجالسين):

وانتو كمان اللي تكون به وسوسة
يجي حدانا نعلّمه في المدرسة

